

淮南鴻烈解卷之十七

干

淮南鴻烈解卷之十八

神四

太尉祭酒臣許慎記上

道應訓道之所行物動而應考之極福以如驗符也

太清問於無窮太清元氣之清者也無窮無形也曰子知道乎無窮曰吾弗知也又問於無為無為有為形而不為也

曰子知道乎無為曰吾知道無為有為子之知道亦有數乎無為曰吾知道有數曰其數奈何無為曰吾知道之可以弱可以強可以柔可以剛可以陰可以陽可以窈可以明可以包裹天地可以應待無方此吾所以知道

之數也太清又問於無始無始本始也曰鄉者吾問道於無窮曰吾弗知之又問於無為無為曰吾知道曰子之知道亦有數乎無為曰吾知道有數曰其數奈何無為曰吾知道之可以弱可以強可以柔可以剛可以陰可以陽可以窈可以明可以包裹天地可以應待無方此吾所以知道

無方吾所以知道之數也若是則無為知與無窮之弗知孰是孰非無始曰弗知之深而知之淺弗知內而知之外弗知精而知之粗太清仰而嘆曰然則不知乃知邪知乃不知

邪孰知之為弗知弗知之為知邪無始曰道不可聞聞而非也道不可見見而非也道不可言言而非也孰知形之不行者乎故老子曰天下皆知善之為善斯不善也故知者不言言者不知也白公問於孔子曰人可以

微言白公楚平王孫太子建勝也楚見殺白公怨而欲復讎故問微言也孔子不應謀故不應也白公曰若以石投水中何

如曰具越之善沒者能取之矣曰若以水投水何如孔子曰菑澗之水合易牙嘗而知之菑澗水也白公曰然則人固不可與微言乎孔子曰何謂不可誰知言之謂者乎夫知言之

謂者不以言言也不以言言也爭魚者濡遂獸者趨非樂之也故至言去言至為無為夫淺知之所爭者末矣白公不得也故死於浴室楚

白公於浴室白公於浴室故老子曰言有宗事有君夫唯無知是以不吾知也白公之謂也惠子為惠王

為國法惠子惠也已成而示諸先生先生皆善之奏之惠王惠王甚說之以示翟煎曰善惠王曰善可行乎翟煎曰不可惠王曰善而不可行何也翟煎對曰今夫舉大木者前

呼邪許後亦應之此舉重勸力之歌也宜無
鄭衛激楚之音哉然而不用者不若此其宜
也治國有禮不在文辯故老子曰法令滋彰
盜賊多有此之謂也田駢以道術說齊王齊
人王應之曰寡人所有齊國也道術難以
除患願聞國之政田駢對曰臣之言無政而

可以為政譬之若林木無材而可以為材願
王察其所謂而自取齊國之政焉已雖無除
其患天地之間六合之內可陶而變化也齊
國之政何足問哉此老聃之所謂無狀之狀
無物之象者也若王之所問者齊也田駢所

稱者材也材不及林林不及雨兩然後材兩
力得生也不及陰陽陰陽不及和不及道道者末之
由生之本也白公勝得荆國不能以府庫分人白公勝
得楚國也食其財而不分人七日石乙入曰之黨也

不義得之又不能布施患必至矣不能予人
不若焚之母令人害我白公弗聽也九日葉
公入葉公葉大夫子高也乃發大府之貨
以予眾出高庫之兵以賦民因而攻之十有
九日而擒白公白公也夫國非其有也而欲

有之可謂至貪也不能為人又無以自為可
謂至愚矣譬白公之畜也何以異於梟之愛
其子也梟子長故老子曰持而盈之不如其
已揣而銳之不可長保也趙簡子以襄子為
後董闕子曰無郵賤董闕子趙人也無郵
襄子之名簡子之庶子

也今以為後何也簡子曰是為人也能為社
稷忍羞襄子能忍和也異曰知伯與襄子飲而批
襄子之首大夫請殺之襄子曰先君之立我
也曰能為社稷忍羞豈曰能刺人哉處十月
知伯圍襄子於晉陽襄子踈隊而擊之踈隊
也

軍二百人為一隊大敗知伯破其首以為飲
器故老子曰知其雄守其雌其為天下谿蓄
缺問道於被衣被衣晉人也被衣曰正女形
壹女視天和將至攝女知正女度神將來舍
德將來附若美而道將為女居焉若新生

之積而無求其故言未卒蓄缺繼以讎夷讎夷
不被衣行歌而去曰形若槁骸心如死灰
直實知不以故自持墨墨恢恢無心可與謀
彼何人哉故老子曰明白四達能無以知乎
趙襄子攻翟而勝之尤人終人尤人終人
翟之二邑使

者來謁之襄子方將食而有憂色左右曰一
朝而兩城下此人之所喜也今君有憂色何
也襄子曰江河之大也不過三日而滅飄風
暴雨日中不須臾言其不今趙氏之德行無
所積今一朝兩城下亡其及我乎孔子聞之

曰趙氏其昌乎夫憂所以為昌也而喜所以
為亡也勝非其難者也賢主以此持勝故其
福及後世齊楚吳越皆嘗勝矣然而卒取亡
焉不通乎持勝也唯有道之主能持勝孔子
勁於國門之關勁引也古者縣門下
從上引之者難也而不肯

以力聞墨子為守攻公輸般服而不肯以兵
知墨子雖善為兵而善持勝者以強為弱故
老子曰道沖而用之又弗盈也惠孟見宋康
王蹠足謦欬疾言曰寡人所說者勇有功也
不說為仁義者也客將何以教寡人惠孟對

曰臣有道於此人雖勇刺之不入雖巧有力
擊之不中大王獨無意邪宋王曰善此寡人
之所欲聞也惠孟曰夫刺之而不入擊之而
不中此猶辱也臣有道於此使人雖有勇弗
敢刺雖有力不敢擊夫不敢刺不敢擊非無

其意也臣有道於此使人本無其意也夫無其意未有愛利之心也臣有道於此使天下丈夫女子莫不歡然皆欲愛利之心此其賢於勇有力也四累之上也此上九四事皆累於世而勇六莫不歡然為上也大王獨無意邪宋王曰此寡人所欲得也惠孟對曰孔墨是已孔丘墨翟無地而為君無官而為長無地為君以道當也無官為長以德事也天下丈夫女子莫不延頸舉踵而願安利之者今大王萬乘之主也誠有其忌則四境之內皆得其利矣此賢於孔墨也遠矣宋王無以應惠孟出宋王謂左右曰辯矣客之以說勝寡人也故老子曰勇於不敢則活由此觀之大勇反為不勇耳昔堯之佐九人謂禹皋陶契稷舜之佐七人皆與堯同臣武王之佐五人謂周公居公太公畢公毛公也堯舜武王於九七五者不能一事焉然而垂拱受成功焉善乘人之資也故人與驥逐走則不勝驥託於車上則驥不能勝人北方有獸其名曰麀鼠前而免後鼠前足短免後足長故謂之麀鼠趨則頃走則顛常為蚤蚤驅驢取甘草以與之故能乘虛而走不能上也

慶有患害蚤蚤驅驢必負而走此以其能託其所不能故老子曰夫代大匠斲者希不傷其手薄疑說衛嗣君以王術嗣君也嗣君應之曰子所有者千乘也願以愛教薄疑對曰烏獲舉千鈞又况一斤乎杜赫以安天下說周昭文君昭文君周惠分為西文君謂杜赫曰願學所以安周赫對曰臣之所言不可則不能安周臣之所言可則周自安矣此所謂弗安而安者也故老子曰大制無割故致數與無與也魯國之法魯人為人妾於諸侯有能贖之者取金於府子贖魯人於諸侯來而辭不受金孔子曰賜失之矣夫聖人之舉事也可以移風易俗而受教順可施後世非獨以適身之行也今國之富者寡而貧者眾贖而受金則為不廉不受金則不復贖人自今以來魯人不復贖人於諸侯矣孔子亦可謂知禮矣故老子曰見小曰明魏武侯問於李克李克魏之相曰兵之所以亡者何也李克對曰數戰而數勝武侯曰數戰數勝國之福其獨以亡何故也對曰數戰則民罷數勝則主

橋以橋主使罷民而國不亡者天下鮮矣橋則恣恣則極慮上下俱極吳之亡猶晚矣夫差之所以自剄於干遂也越仇其夫差所自也故老子曰功成名遂身退天之道也甯越欲干齊桓公困窮無以自達於是為商旅將任車任載也詩曰我任載以商於齊暮宿於郭門之外桓公郊迎客夜問門辟任車爝火甚盛端桓從者甚眾甯越飯牛車下望見桓公而悲擊牛角而疾商歌桓公聞之撫其僕之手曰異哉歌者非常人也命後車載之桓公及至從者以請桓公贖之衣冠而見說以為天下桓公大說將任之羣臣爭之曰容衛人也衛之去齊不遠君不若使人問之而故賢者也用之未晚桓公曰不然問之患其有小惡也以人之小惡而忘人之大美此人主之所以失天下之士也凡聽必有驗一聽而弗復問合其所意合已聽知之且人固難合也權而用其長者而已矣當是舉也桓公得之矣故老子曰天大地大人大道大王亦大域中有四大而王處其一焉以言其能包裹之也大王豈父居

邠翟人攻之事之以皮帛珠玉而弗受曰翟
人之所求者地無以財物為也大王亶父曰
與人之兄居而殺其弟與人之父處而殺其
子弗為皆勉處矣為吾臣與翟人奚以異且
吾聞之也不以其所養害其養杖策而去民

相連而從之遂成國於岐山之下岐山今之
美陽北也

其下有周地因是
以為天下號也大王亶父可謂能保生矣

雖富貴不以養傷身雖貧賤不以利累形今
受其先人之爵祿則必重失之所自來者久
矣而輕失之豈不惑哉故老子曰貴以身為

天下焉可以託天下愛以身為天下焉可以
寄天下矣中山公子牟中山鮮
謂詹子曰身

處江海之上心在魏闕之下為之奈何江海
之上

言志在於已身心
之纏開也言內守詹子曰重生重生則輕利
之性也中山公子牟曰雖知之猶不能自勝

則從之從之神無怨乎言不勝已之情發則
當從心則已神無

怨不能自勝而強弗從者此之謂重傷之人
無壽類矣故老子曰知和曰常知常曰明益

生曰祥心使氣曰強是故用其光復歸其明
也楚莊王問詹何曰治國奈何對曰何明於

治身而不明於治國楚王曰寡人得立宗廟
社稷願學所以守之詹何對曰臣未嘗聞身
治而國亂者也未嘗聞身亂而國治者也故
本任於身不敢對以未楚王曰善故老子曰
修之身其德乃真也桓公讀書於堂桓公
君輪

人斲輪於堂下釋其椎鑿而問桓公曰君之
所讀書者何書也桓公曰聖人之書輪扁曰

其人在焉輪扁之名問作
書之人在也桓公曰已死矣輪
扁曰是直聖人之糟粕耳糟酒滓也
漚也桓公

愕然作色而怒曰寡人讀書工人焉得而譏
之哉有說則可無說則死輪扁曰然有說臣

誠以臣之斲輪語之大疾則苦而不入若急
意也

大徐則甘而不固甘願
意也不甘不苦應於手歎
于心而可以至妙者臣不能以教臣之子而

臣之子亦不能得之於臣是以行年六十老
而為輪今聖人之所言者亦以懷其實窮而

死獨其糟粕在耳故老子曰道可道非常道
名可名非常名昔者司城子罕相宋謂宋君

曰夫國家之危安百姓之治亂在君行賞罰
夫爵賞賜予民之所好也君自行之殺戮刑

罰民之所怨也臣請當之宋君曰善寡人當
其美子受其怨寡人自知不為諸侯笑矣國
人皆知殺戮之專制在于罕也大臣親之百
姓畏之居不至期年子罕遂却宋君而專其
政故老子曰魚不可脫于淵國之利器不可

以示人王壽負書而行見徐馮於周王壽古
好書之

徐馮周
之徐馮也徐馮曰事者應變而動變生於時
故知時者無常行書者言之所出也言出於

知者知者藏書於是王壽乃焚書而舞之自
焚其書故故老子曰多言數窮不如守中令

尹子佩請飲莊王子佩楚莊王之相
請飲請置酒也莊王許
諾子佩疏指北面立於殿下疏徒也
指舉手也曰昔

者君王許之今不果往也果誠
也意者臣有罪乎
莊王曰吾聞子具於強臺強臺者南望料山

以臨方皇料山名方皇水
名也一日山名左江而右淮其樂

忘死若吾薄德之人不可以當此樂也恐留
而不能反故老子曰不見可欲使心不亂晉

公子重耳出亡過曹無禮焉曹共公聞重耳
將脅使祖而捕
以觀之釐負羈之妻謂釐負羈曰君無禮於
晉公子吾觀其從者皆賢人也從者俱偃趙
襄之屬也

若以相夫子反晉國必伐曹子何不先加德
馬釐負羈遺之壹鉸而加璧焉重耳受其鉸
而反其璧及其反國起師伐曹剋之令三軍
無入釐負羈之里故老子曰曲則全枉則直
越王勾踐與吳戰而不勝國破身亡困於會

稽忿心張膽氣如涌泉選練甲卒赴火若滅
然而請身為臣妻為妾親執戈為吳兵先馬
走先馬走果擒之於千遂故老子曰柔之勝
剛也弱之勝強也天下莫不知而莫之能行
越王觀之故霸中國趙簡子死未葬中牟入

齊中牟自入已葬五日襄子起兵攻圍之未
合而城自壞者十丈襄子擊金而退之軍法
以進之軍吏諫曰君誅中年之罪而城自壞
是天助我何故去之襄子曰吾聞之叔向曰
君子不乘人於利不迫人於險使之治城城

治而後攻之中牟聞其義乃請降故老子曰
夫唯不爭故天下莫能與之爭秦繆公請伯
樂曰子之年長矣子姓有可使求馬者乎姓子
樂伯對曰良馬者可以形容筋骨相也相天
下之馬者若滅若失若亡若滅其相不可見

也若亡學其一若此馬者絕塵弭徹絕塵不
微引速臣之子皆下林也可告以良馬而不
可告以天下之馬臣有所與供僮繮乘薪者
九方堙堙者姓也九方此其於馬非臣之下也
請見之穆公見之使之求馬三月而反報曰

已得馬矣在於沙丘穆公曰何馬也對曰牡
而黃使人往取之牝而驪穆公不說召伯樂
而問之曰敗矣子之所使求者毛物牝牡弗
能知又何馬之能知伯樂喟然大息曰一至
此乎是乃其所以千萬臣而無數者也若堙

之所觀者天機也得其精而忘其粗在內而
忘其外見其所見而不見其所不見視其所
視而遺其所不視若彼之所相者乃有貴乎
馬者馬至而果千里之馬故老子曰大直若
屈大巧若拙吳起為楚令尹適魏問屈宜若

屈宜若楚大夫曰王不知起之不肖而以爲
令尹先生試觀起之爲人也屈子曰將柰何
吳起曰將衰楚國之爵而平其制祿損其有
餘而綏其不足砥礪甲兵時爭利於天下屈
子曰宜若聞之昔善治國家者不變其故不

易其常今子將衰楚國之爵而平其制祿損
其有餘而綏其不足是變其故易其常也行
之者不利宜若聞之曰怒者逆德也兵者凶
器也爭者人之所本也今子陰謀逆德好用
凶器始人之所本本者謂逆之至也且子用

魯兵不宜得志於齊而得志焉吳起為將
用魏兵不宜得志於秦而得志焉吳起為魏
吾王之數逆天道戾人理至今無禍差須夫
子也差須猶吳起惕然曰尚可更乎屈子曰

成形之徒不可更也成刑之徒刑子不若敷
愛而篤行之老子曰挫其銳解其紛和其光
同其塵晉伐楚三舍不止大夫請擊之莊王
曰先君之時晉不伐楚及孤之身而晉伐楚
是孤之過也若何其辱群大夫曰先臣之時

晉不伐楚今臣之身而晉伐楚此臣之罪也
請三擊之王俛而泣涕沾襟起而拜君大夫
晉人聞之曰君臣爭以過爲在已且輕下其
臣不可伐也夜還師而歸老子曰能受國之
垢是謂社稷主宋景公之時葵惑在心公懼

召子韋而問焉子韋司曰榮惑在心何也子韋曰榮惑天罰也心宋分野宋之分野上屬房心之星且當君雖然可移於宰相公曰宰相所使治國家也而移死焉不祥子韋曰可移於歲公曰歲民之命歲饑民必死矣為人君而欲殺其民以自活也其誰以我為君者乎是寡人之命固已盡矣子韋無復言矣子韋還走北面再拜曰敢賀君天之處高而聽卑君有君人之言三天必有三賞君今夕星必徙三舍君延年二十一歲公曰子矣以知之對曰君有君人之言三故有三賞星必三徙舍舍行七里三七二十一故君移年二十一歲臣請伏於陛下以司之星不徙臣請死之公曰可是不夕也星果三徙舍故老子曰能受國之不祥是謂天下王昔者公孫龍在趙之時謂弟子曰人而無能者龍不能與遊有客衣褐帶索而見曰臣能呼公孫龍顧謂弟子曰門下故有能呼者乎對曰無有公孫龍曰與之弟子之籍後數日往說燕王至於河上而航在一汜汜水使善呼之一呼而航來故曰聖人

之處世不逆有伎能之士故老子曰人無棄人物無棄物是謂襲明子發攻蔡喻之子發楚之將軍喻宣王郊迎列田百頃而封之執圭執圭以將之也子發辭不受曰治國主政諸侯入賓此君之德也發號施令師未合而敵循此將軍之威也兵陳戰而勝敵者此庶民之力也夫乘民之功榮而取其爵祿者仁義之道也故辭而弗受故老子曰功成而不居夫唯不居是以不去晉文公伐原原周邑周襄王以原賜文公原叛伐也與大夫期三日三日而原不降文公令去之軍吏曰原不過一二日將降矣君曰吾不知原三日而不可得下也以與大夫期盡而不罷失信得原吾弗為也原人聞之曰有君若此可弗降也遂降温人聞亦請降時周人亦以温子文公温相連皆說故老子曰窈兮冥兮其中有精其精甚真其中有信故美言可以市尊美行可以加人公儀休相魯公儀休魯人也而嗜魚一國獻魚公儀休不受其弟子諫曰夫子嗜魚弗受何也荅曰夫唯嗜魚故弗受夫受魚而免於相雖嗜魚不能自給魚

毋受魚而免於相則能長自給魚此明於為人為己者也故老子曰後其身而身先外其身而身存非以其無私邪故能成其私一曰知足不辱孤丘丈人謂孫叔敖丈人老而於於人者曰人有三怨子知之乎孫叔敖曰何謂也對曰爵高者士妬之官大者主惡之祿厚者怨處之孫叔敖曰吾爵益高吾志益下吾官益大吾心益小吾祿益厚吾施益博是以免三怨可乎故老子曰貴必以賤為本高必以下為基大司馬捶現果鈞者年八十矣捶銀擊鈞也而不失鈞芒大司馬曰子巧邪有道邪曰臣有守也臣年二十好捶鈞於物無視也非鈞無察也是以用之者必假於弗用也而以長得其用而況持不用者乎物孰不濟焉故老子曰從事於道者同於道文王砥德修政三年而天下二垂歸之砥德也文王三紂聞而惡之曰余夙興夜寐與之競行則苦心勞形縱而置之恐伐余一人崇侯虎曰周伯昌行仁義而善謀太子發勇敢而不疑中子且恭儉而知時若與之從則不堪其殃縱而故

之身必危亡冠雖弊必加於頭及未成請圖
 之屈商乃拘文王於羑里屈商紂臣也羑里地名在河內湯
 於是散宜生乃以千金求天下之珍怪得
 騶虞難斯之乘騶虞白虎黑文而仁食自死
 玄玉百工二玉為大貝百朋一朋也玄豹黃
 羆青犴音岸犴胡地野犬也白虎文皮千合以獻於紂
 因費仲而通費仲紂臣也紂見而說之乃免其身
 殺牛而賜之文王歸乃為玉門築靈臺相女
 童擊鐘鼓玉門以玉飾門為柱楹也相以待女
 紂之失也紂聞之曰周伯昌改道易行吾無
 憂矣乃為炮烙剖比干剔孕婦殺諫者文王
 乃遂其謀故老子曰知其榮守其辱為天下
 谷成王問政於尹佚曰吾何德之行尹佚而
 民親其上對曰使之時而敬順之王曰其度
 安至曰如臨深淵如履薄冰王曰懼哉王人
 手尹佚曰天地之間四海之內善之則吾畜
 也不善則吾讎也昔夏商之臣反讎桀紂而
 臣湯武宿沙之民皆自攻其君而歸神農神農之問者共
宿沙爾天下者也此世之所明知也如何其
 無懼也故老子曰人之所畏不可不畏也跖

之徒問跖曰盜亦有道乎跖曰奚適其無道
 也夫意而中藏者聖也入先者勇也出後者
 義也分均者仁也知可否者智也五者不備
 而能成大盜者天下無之由此觀之盜賊之
 心必託聖人之道而後可行故老子曰絕聖
 棄智民利百倍楚將子發好求技道之士楚
 有善為偷者往見曰聞君求技道之士臣偷
 也願以技齋一卒音備子發聞之衣不給帶
 冠不暇正出見而禮之左右諫曰偷者天下
 之盜也何為之禮君曰此非左右之所得與
 後無幾何齊與兵伐楚子發將師以當之兵
 三却楚賢良大夫皆盡其計而悉其誠齊師
 愈強於是市偷進請曰臣有薄技願為君行
 之子發曰諾不問其辭而遣之偷則夜解齊
 將軍之帷帳而獻之子發因使人歸之曰卒
 有出薪者得將軍之帷使歸之於執事明日
 復往取其枕子發又使人歸之明日又復往
 取其簪子發又使歸之齊師聞之大駭將軍
 與軍吏謀曰今日不去楚君恐取吾頭則還
 師而去故曰無細而能薄在人君用之耳故

老子曰不善人善人之資也顏回謂仲尼曰
 回益矣仲尼曰何謂也曰回忘禮樂矣禮樂
仲尼曰何謂也仲尼曰可矣猶未也異日復見
 曰回益矣仲尼曰何謂也曰回忘仁義矣仲
 尼曰可矣猶未也異日復見曰回忘矣忘
自忘其身仲尼造然曰何謂坐忘顏回曰墮
 支體黜聰明離形去知洞於化通是謂坐忘
 仲尼曰洞則無善也化則無常矣而夫子蓋
 賢為先也立請從之後故老子曰載營魄抱
 一能無離乎專氣至柔能如嬰兒乎秦穆公
 興師將以襲鄭蹇叔曰不可臣聞晉國者以
 車不過百里以人不過三十里為其謀未及
 發泄也甲兵未及銳弊也糧食未及乏絕也
 人民未及罷病也皆以其氣之高與其力之
 盛至是以犯敵能威令行數千里又數絕諸
 侯之地以襲國臣不知其可也君重圍之穆
 公不聽蹇叔送師衰絰而哭之師遂行過周
 而東鄭賈人弦高矯鄭伯之命以十二牛勞
 秦師而宥之三帥乃懼而謀曰吾行數千里
 以襲人未至而人已知之其備必先成不可

襲也還師而去當此之時晉文公適薨未葬

先軫言於襄公先軫晉大夫也曰昔吾先君

與穆公交天下莫不聞諸侯莫不知今吾君

薨未葬而不弔吾喪而不假道是死吾君而

弱吾孤也請擊之襄公許諾先軫舉兵而與

秦師遇於散大破之擒其三軍以歸穆公聞

之素服廟臨以說於衆說故老子曰知而不

知尚矣不知而知病也齊王后死王欲置后

而未定使群臣議薛公欲中王之意薛公曰

因獻十珥而美其一且日因問美珥之所在

因勸立以為王后齊王大說遂尊重薛公故

人主之意欲見於外則為人臣之所制故老

子曰塞其兌閉其門終身不動盧敖游乎北

海盧敖燕人秦始皇召以為博經乎太陰入

乎玄關太陰北方也玄至於蒙殺之上蒙殺

見一士焉深目而玄鬢淚注淚注而為有豐上

而殺下軒軒然方迎風而舞顧見盧敖慢然

下其臂慢然上遜逃乎碑碑盧敖就而視

之方倦龜殺龜殺而食蛤梨蛤梨

盧敖與之語曰唯教為背群離堂窮觀於六

合之外者非教而已乎教切而好游至長不

偷周行四極唯北陰之未闕今卒睹夫子於

是子殆可與教為友乎若士者若士者然而笑

曰嘻子中州之民寧肯而遠至此此猶光乎

日月言太陽之地而載列星陰陽之所行四

時之所生其比夫不名之地猶窅冥也言我

不可名之地以虛數而所若我南游乎岡

窅之野北息乎沉墨之鄉西窮冥冥之黨東

開鴻濛之光此其下無地而上無天聽焉無

聞視焉無响此其外猶有伏沃之汜汜沃

其餘一舉而千萬里千萬里

吾猶未能之在吾向未今子游始於此乃語

窮觀豈不亦遠哉然子處矣吾與汗漫期于

九垓之外汗漫不可知之吾不可以久駐

若士舉臂而竦身遂入雲中盧敖仰而視之

弗見乃止駕止其所止柅治柅恃

若有喪也曰吾比夫子猶黃鵠與蟻也蟻

速豈不悲哉故莊子曰小人不及大人小知

不及大知朝菌不知晦朔朝菌朝生暮死之

蜃蜃一名蜃母蟪蛄不知春秋蟪蛄此言明

之有所不見也季子治重父三年季子而巫

馬期統衣短褐子馬期易容貌往觀化焉

所為魚者欲得也今得而釋之何也源者對

曰季子不欲人取小魚也古者魚不盈所得

者小魚是以釋之巫馬期歸以報孔子曰季

子之德至矣使人闖行若有嚴刑在其側者

季子何以至於此孔子曰丘嘗問之以治言

曰誠於此者刑於彼季子必行此術也故老

子曰去彼取此罔兩問於景罔兩水之精也

曰昭昭者神明也罔兩景曰

非也罔兩曰子何以知之景曰扶桑受謝日

照宇宙扶桑日所出之水也罔兩之光

輝燭四海閻戶塞購則無由入矣若神明四

通並流無所不及上際於天下蟠於地化育

萬物而不可為象仲之問而撫四海之外

照照何足以明之故老子曰天下之至柔馳

騁天下之至堅光耀問於無有無有

曰子果有乎其果無有乎有無

有子其無有弗應也光耀不得問而就視其
無有也無有冥然忽然視之不見其形聽之不聞其
聲搏之不可得望之不可極也光耀曰貴矣
哉孰能至于此乎予能有無矣未能無無也
言我能使形不可得未幾無形也及其為無無又何從至於

此哉故老子曰無有入于無間吾是以知無
為之有益也白公勝慮亂白公行爲父復讐
也罷朝而立到杖策鍛起兵亂因思慮之
也馬謂之鍛到杖上貫頤策馬控端
之曰頤之忘將何不忘哉預白公之父死鄭此

言精神之越於外智慮之蕩於內則不能漏
理其形也漏相是故神之所用者遠則所遺
者近也近相故老子曰不出戶知天下不窺
牖以見天道其出彌遠其知彌少此之謂也
秦皇帝得天下恐不能守發邊戍築長城修

關梁設障塞具傳車望邊吏然劉氏奪之若
轉閉鑰閉鑰也上之鑰所昔武王伐紂破
之牧野乃封比干之墓表商容之間柴箕子
之門紂死箕子亡之朝鮮朝成湯之廟發鉅
橋之粟散鹿臺之錢破鼓折抱苑弓絕絃去

舍露宿以示平易解劍帶笏以示無仇於此
天下歌謠而樂之諸侯執弊相朝三十四世
不奪故老子曰善閉者無闕鍵而不可開也
善結者無繩約而不可解也尹需學御三年
而無得焉私自苦痛常寢想之寢想中夜夢

受秋駕於師師秋駕明日往朝師望之謂之
曰吾非受道於子也恐子不可予也今日教
子以秋駕尹需反走北面再拜曰臣有天幸
今夕因夢受之故老子曰致虛極守靜篤萬
物並作吾以觀其復也昔孫叔敖三得令尹

無善志三去令尹無憂色延陵季子吳人願
一以為王而不肯許由讓天下而弗受晏子
與崔杼盟臨死地不變其儀此皆有所遠通
也精神通於死生則物孰能惑之荆有飲非
得寶劍於干隊干者宋干國在今臨淮出寶

還反度江至於中流陽侯之波兩蛟俠繞其
船蛟龍屬也無編二千五飲非謂柁船者柁
曰嘗有如此而得活者乎對曰未嘗見也於
是飲非瞑目教然攬臂拔劍曰武士可以仁
義之禮說也不可劫而奪也此江中之腐肉

朽骨弄劍而已余有莫愛焉赴江刺蛟遂斷
其頭船中人盡活風波畢除荆爵為執圭孔
子聞之曰夫善戴腐肉朽骨弄劍者飲非之
謂乎故老子曰夫唯無以生為者是賢於貴
生焉齊人淳于髡以從說魏王魏王辯之約

車十乘將使荆辭而行人以為從未足也復
以衡說其辭若然從說說諸侯之計當相從
也魏王乃止其行而疏其身失從心志而有
不能成衡之事是其所以固也夫言有宗事
有本失其宗本技能雖多不若其寡也故周

鼎者倖而使齧其指先王以見大巧之不可
也故慎子曰匠人知為門能以門慎子名所
以不知門也不知門故必杜然後能門
外墨者有田鳩者田鳩字墨欲見秦惠王約
車申轅申轅東留於秦周年不得見客有言之楚

王者往見楚王楚王甚悅之予以節使於秦
至因見子之將軍之節惠王而說之出舍啜
然而歎告從者曰吾留秦三年不得見不識
道之可以從楚也物故有近之而遠遠之而
近者故大人之行不掩以繩繩也至所極而

已矣此所謂子乘飛而維繩者言為士者
道遠無極不可繩也以繩乘飛從 豈水之深
下繩維之而欲期則不可也 千仞而不受塵垢投金鐵馬則形見於外
非不深且清也魚鼈龍蛇莫肯之歸也是故
石上不生五穀堯山不游麋鹿無所陰蔽隱
也昔趙文子問於叔向曰晉六將軍其孰先
亡乎六將軍輔無趙 對曰中行知氏文子曰
何乎對曰其為政也以苛為察以切為明以
刺下為忠以計多為功壁之猶廓者也廓
之大則大矣裂之道也故老子曰其政悶悶
其民純純其政察察其民缺缺景公謂太卜
曰子之道何能對曰能動地動地晏子往見公
公曰寡人問太卜曰子之道何能對曰能動
地地可動乎晏子默然不對出見太卜曰昔
吾見句星在房心之間地其動乎句星在房心
星守房心 太卜曰然晏子出太卜走往見公
則地動也 曰臣非能動地地固將動也田子陽聞之
陽齊也 曰晏子默然不對者不欲太卜之死往
見太卜者恐公之欺也晏子可謂忠於上而
惠於下矣故老子曰方而不割廉而不剝魏

文侯觴諸大夫於曲陽飲酒酣文侯喟然嘆
曰吾獨無豫讓以為臣子豫讓事知伯而死
為 塞重舉白而進之塞重文侯臣 曰請浮君
浮猶罰也 君曰何也對曰臣聞之有命之
父母不知孝子有道之君不知忠臣夫豫讓
之君亦何如哉豫讓相其君而君見 文侯受
觴而飲醕不獻醕亦何如不足貴也 故
有豫讓之功故老子曰國家昏亂有忠臣孔
子觀桓公之廟桓公魯 有器焉謂之宥卮宥
孔子曰善哉予得見此器顧曰弟吁取水
水至灌之其中則正中水中 其盈則覆孔子
造然華容曰善哉持盈者乎子貢在側曰請
問持盈曰揖而損之曰何謂揖而損之曰夫
物盛而衰樂極則悲日中而移月盈而虧是
故聰明處知守之以愚多聞博辯守之以儉
武力毅勇守之以畏富貴廣夫守之以陋德
施天下守之以讓此五者先王所以守天下
而弗失也反此五者未嘗不危也故老子曰
保此道者不欲盈夫唯不盈故能弊而不新
成武王問太公曰寡人伐討天下是臣殺其

主而下伐其上也吾恐後世之用兵不休聞
爭不已為之奈何太公曰甚善王之間也夫
未得獸者唯恐其創之小也獲禽恐不能殺
已得之惟恐傷肉之多也王若欲久持之則
塞民於死死耳曰鼻口也 道全為無用之
事煩擾之教彼皆樂其業供其情昭昭而道
冥冥於是乃去其替而載之木替被髮也水
冠者 解其劔而帶之芴為三年之喪令類不
著高辭卑讓使民不爭酒肉以適之竿瑟以
娛之鬼神以畏之繁文滋禮以弁其質厚葬
久喪以重丹者 其家合珠鱗施綸組以貧其財
深鑿高壘以盡其力家貧族少慮患者貧以
此移風可以持天下弗失故老子曰化而欲
作吾將鎮之以無名之樸也
淮南鴻烈解卷之十八